

57

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1933

T 9297.1100 B



玉海卷第六十七

浚儀王應麟伯厚甫

詔令

赦宥

古者眚災肆赦周有三宥三赦之灋春秋莊二十  
年書肆大眚范甯曰有時而用非經國之常制秦  
孝文在襄元年皆有赦初即位肆赦始此秦并諸  
侯曰大赦天下由漢以來或即位建儲改元立后  
皆有赦遂爲常制大赦者不以罪大小皆原其或  
某處有災或車駕行幸則曰赦某郡已下謂之曲

哈佛大學漢和  
圖書館珍藏印

救復有遞減其罪謂之德音者比曲救則恩及天下比大赦則罪不盡除

舜肆赦

書舜典眚災肆赦注眚過災害肆緩也流宥五刑宥

也以流放之法寬五刑大禹謨宥過無大刑故無小罪疑惟

輕功疑惟重法過誤所犯雖大必宥

周赦宥

禮秋官司刺掌三刺三宥三赦之灋壹宥曰不識再

宥曰過失三宥曰遺忘注不識謂愚民無識過失若

忘若問惟薄忘有在壹赦曰幼弱再赦曰老耄三赦

曰蠢愚書呂刑五刑之疑有赦其審克之墨辟其

罰百鍰六兩曰鍰劓辟其罪惟倍鍰刑辟其罪倍差

五百宮辟其罰六百錢大辟其罰千鍰五刑各入

制也禮記疑獄况問與眾共之眾疑赦之管子

赦者先是而後難小利而大害者也無赦者小害而

大利者也春秋莊公二十二年春王正月肆大眚

杜預注赦有罪也易稱赦過有罪書稱眚災肆赦薄

稱肆皆皆蕩滌眾故以新其心

漢大赦天下

高帝紀五年二月甲午即皇帝位于汜水之陽五月

西都長安六月壬辰大赦天下

漢立太子赦天下

高帝紀二年六月壬午 宣帝地節三年四月戊申

安帝元初六年四月丙寅 順帝建康元年四月

並立太子赦天下

晉明帝太寧三年三月戊辰立太子大赦增文武位

二等大酺三日賜帛

漢郊赦

文紀十五年瑞夏四月上幸雍州見五帝赦天下

唐承天門大赦

實錄貞觀十七年四月丙戌立晉王為皇太子帝御

承天門樓大陳仗衛宮道植金雞大赦天下 景雲

元年七月己巳平王為皇太子大赦聲應吹銅望惟當

授爾玉甲游雷之澤開元二十六年七月己巳冊皇太子

大赦 乾元元年十月甲辰御宣政殿冊成王為皇太

子大赦 元和四年十月庚寅冊皇太子癸巳制曰爰

以吉日冊于明庭鼓鍾載和文物大備宣布澤申恩

唐丹鳳樓大赦

實錄至德二年十二月戊午御丹鳳樓大赦天下乾

元元年二月丁未御明鳳門大赦四月甲寅享廟乙

萬曆丁亥年

二母

三

監生華師甫刊

卯御丹鳳門大赦。建中元年正月辛未有事南郊。還御丹鳳樓大赦。正元四年正月庚戌朔御丹鳳樓大赦。元和二年正月辛卯有事于南郊御丹鳳樓大赦。

建雞竿伐鼉鼓帝命出皇恩溥揚巽風作解雨。蘇頌頌六甲迎黃氣三元降紫泥。沈佺期周矢漢薪。

咸從蕩滌鄭書晉鼎彌切哀矜齊臣差委轡之言。楚國愧封錢之陋。李商隱

**通典**大唐令曰赦日武庫令設金雞及鼓於宮城門外之右勒集囚徒於闕前搥鼓千聲訖宣制放其赦

**赦宥**

書頒諸州用絹寫行下。

乾德明德門大赦 太平興國丹鳳樓大

赦 端拱乾元門肆赦 祥符封禪壇肆

赦 儀注

國朝每郊祀前一日有司設百官蕃國朝貢使緇黃耆老位於宣德門外太常設宮垂置鉦鼓其日刑部錄囚以俟車駕還改御常服登樓升御坐仗衛如儀侍臣宣敕立金雞太常擊鼓集囚少府監立雞竿於樓東南隅竿木伎人緣繩爭上取雞口所銜絳幡獲者即與之樓上以朱絲繩貫木鶴僊人乘之捧制書

循繩而下至地以畫臺承鶴取制書宣之還授中書  
 門下轉付刑部侍郎承制釋囚群臣稱賀若德音赦  
 書自內出者並如文德殿宣制之儀建隆四年十  
 一月甲子郊祀畢御明德門樓大赦改乾德元年  
 太平興國三年十一月丙申合祭南郊御丹鳳樓大  
 赦即明德門也七月庚戌改端拱二年七月二十  
 三日以彗見令肆赦八月八日御乾元門肆赦祥  
 符元年十月二十六日東封泰山畢御朝觀壇肆赦  
 少府監請製金雞從之三年九月甲辰詳定所上  
 寶鼎縣朝觀肆赦儀注乾興元年正月朔改元二

赦宥

月朔御正陽門宣制覃慶如郊祀例有司具儀注禮  
 院言舊制御樓儀仗千九百人今請用四千人又請  
 細仗導衛晏殊頌曰頌鳳諾之詔植雞星之竿貫  
 索繫而天牢空豐隆驚而蟄戶震丹鳳銜詔蒼蠅

漏音旋彫軫御端闈

國史志仁宗世大赦二十二曲赦五德音十五錄繫  
 四五十八先王之時雖不三歲一赦而書曰昔災肆  
 赦宥過無大在周則三赦三宥則赦宥所從來遠矣  
 後世之於民富而教之既不如先王之備則責之遷  
 善遠罪亦未可知先王之詳

紹興賜赦儀注

紹興四年七月，臣僚請御端門肆赦，既而給事中唐輝言行宮南門外地陘，不可布儀衛望，詔有司止於常御殿宣赦。從之。十三年十月十三日，禮部奉常修立行宮門肆赦儀注，其儀大畧如前。禮部侍郎奏中嚴外，辨簾卷，乾安之樂作，扇合。皇帝臨軒，即御坐，鳴鞭，扇開，樂止。立金雞禮畢，扇合，乾安之樂作，放仗。令舍人於門下宣勞將士訖，退。十一月八日，南郊禮畢，御麗正門肆赦如儀。  
敷化解之恩，宣在宥之典。  
疏漢網，祝湯羅，條濯

剡磬更投丹筆，人脫赭衣，合

動奮之前言，鄙封

之小慮，星飛彩詔，雲涌歡聲

翔雞植竿，墜鵠宣

制，法雞星而肆赦，漏蠅筆之先知，雲油然而澤，

蕭蓼被而露垂，賞出千庾，恩派百川，令未脫口，雷

運風傳，大明升而六合曉，一氣薰而萬物春，風

行電舉，未寸景而決元璣。

刑制

漢書先王制禮以崇敬，作刑以明威，刑罰威獄以類天之震曜，殺戮也。聖人因天討而作五刑。

舜象刑

書舜典象以典刑注象法也益稷皋陶方祚

象叙方施象刑惟明注象法也禮司園注弗使冠飾

漢書文帝詔有虞畫衣冠異童服以為戮而民弗犯

武帝詔唐虞畫象而民不犯禮司園注弗使冠飾

者著墨幪若古之象刑與疏孝經緯云三皇無文五

帝畫象三王肉刑畫象者上罪墨象赭衣雜履中罪

赭衣雜履下罪雜履而已注孔子曰三皇畫象世

不純注孔子曰三皇畫象世尚書大傳唐虞象刑上刑赭衣

不純注孔子曰三皇畫象世尚書大傳唐虞象刑上刑赭衣

不純注孔子曰三皇畫象世尚書大傳唐虞象刑上刑赭衣

設教而民不違五帝畫象而民知禁則書所謂象以

典刑云云者也然則犯黥者皁其中犯劓者丹其服

犯臙者墨其體犯宮者雜其履大辟之罪殊刑之極

布其衣裙而無緣領投之於市與眾弃之白虎通

畫象者其衣服象五刑也犯墨者蒙巾劓者赭衣臙

者墨蒙宮者扉大辟者布衣無領揚子法言唐虞

象刑惟明荀子正論治古無肉刑而有象刑墨黥

或曰當慎子作共艾畢共未菲對履對慎子殺

楮衣而不純慎子曰有虞氏之誅以畫跪當黥以

周書王子曰穆穆虞舜立義治律注律法也漢刑



法志書云伯夷降典愆民惟刑言制禮以止刑善乎  
 孫卿之論曰世俗為說者以為治古無肉刑有象刑  
 墨劓之屬非履赭衣而不純是不然象刑非生於治  
 古所謂象刑惟明者言象天道而作刑安有菲履赭  
 衣者哉 唐沈頰曰染其衣裳異其服色是罪終身  
 不釋恥畢世不滅豈特已以為耻人見之者皆以為  
 耻為戒 朱文公曰象以典刑者畫象而示民以五  
 等肉刑之常法也流宥五刑放之於遠寬夫犯肉刑  
 而情輕之人也鞭作官刑朴作教刑官府學校之刑  
 馭夫罪之小而未麗五刑者也金作贖刑使入金而

美惡所以贖夫犯鞭朴之刑而情之輕者也此

三者罰之法皆災肆赦言不幸而觸罪者則肆而赦

之恬終賊刑言有恃而不改者則賊而刑之此二者

法外之意德令律令之名例欽哉欽哉惟刑之恤哉

此聖人畏刑之心舜之贖不上及於五刑穆王之法

亦必疑而後贖據此經文五刑有流宥而無金贖同

禮秋官亦無其文至呂刑乃有五等之罰疑穆王始

制之非法之正也以舜命臯陶之辭考之士官所掌

惟象流二法而已

商官刑

刑制官刑儆于有位疏治官之刑以儆戒百官言  
三風十愆令受下之諫

周三典

秋官大司寇之職掌建邦之三典以佐王刑邦國詰  
四方一曰刑新國用輕典二曰刑平國用中典三曰  
刑亂國用重典此刑司漢刑法志昔司之法  
建三典以刑邦國五刑墨罪五百劓罪五百宮罪五  
百別罪五百殺罪五百詞刑掌五刑其所謂刑平邦  
刑中典者也凡殺人者誥諸市墨者使守門劓者使  
守閭宮者使守內刑者使守圜全者使守積其奴男

子入于罪縶女子入于春禡凡有爵者與七十者與  
未亂者皆不為奴周道既衰穆王蓋荒命甫侯度時  
作刑以誥四方墨罰之屬千劓罰之屬千髡罰之屬  
五百宮罰之屬三百大誥之罰其屬二百五刑之屬  
三之蓋多於平邦中典五百章所謂刑亂邦用重典  
者也魏陳矯曰周有三典之制漢約三章之法法  
晉志劉頌上疏上古議事以制夏殷及周言法象魏  
崖寔政論云周穆有闕甫侯正刑

- 周五刑
- 五禁
- 八刑
- 八辟
- 九刑

- 五聽
- 刑書
- 曲盡刑

禮秋官大司寇以五刑糾萬民一曰野刑上功糾九  
二曰軍刑上命糾守三曰鄉刑上德糾孝四曰官刑  
上能糾職五曰國刑上愿糾暴註暴當小司寇以五  
刑聽萬民之獄訟以五聲聽獄訟求民情一曰辭聽  
二曰色聽三曰氣聽四曰耳聽五曰目聽憲刑禁注  
士師之五禁士師掌國之五禁之法以左右刑罰  
一曰宮禁二曰官禁三曰國禁四曰野禁五曰卑禁  
皆以木鐺徇之于朝書而懸于門閭注古之禁皆亡  
矣今宮中有符籍官府有無故擅入城門有離職下  
帷野有法律軍有賞讎夜行之禁其捕可言者司

刑掌五刑之法以懸萬民之罪墨罪五百劓罪五百  
宮罪五百刑罪五百殺罪五百野廬氏掌之道禁  
注謂若今絕家大中持兵杖之屬疏古時禁書亡故  
與漢法而言大司徒以鄉八刑糾萬民不睦  
不嫻不弟不任不恤造言亂民小司寇以八刑  
灋附刑罰一曰議親故賢能功貴勸賓註大  
一正義張平于說八宗周禮大宰之職八灋治官  
義之刑九丘周禮之九刑府六曰官灋以正邦治七曰官刑以糾邦治所  
刑左傳文十八年季文子曰先君周公制周禮曰  
則以觀德德以處事事以度功功以食民作誓命曰







周九典

周書文政解三十八惟十有三祀順九典一祗道以明之二稱賢以賞之三典師以教之四四戚以勞之五伍長以遵之六群老以老之七群醜以移之八什長以行之九戒卒以將之仲長統昌言曰嗣周氏之祕典續呂侯之祥刑

獯天子傳丙寅天子屬官効器乃命正公邠父受敕憲已酉天子飲下潯水之上乃發憲令周書謚法

惟三月既生魄周公旦太師望相嗣王發既賦憲受臚于牧野將葬乃制作謚謚者行之迹也號者功之

表也車服者位之章也劉熙注曰憲法也賦治國之法於諸侯而受其貢養也孟子注孔子之門徒頌述安歲以來至文武周公之法制耳

漢除肉刑

文紀十三年五月除肉刑刑法志文帝即位十三

年齊太倉令淳于公有罪當刑詔獄逮繫長安其少

女緹縈自傷悲泣迺隨其父至長安上書願沒為官

婢以贖父罪列女傳曰歌雞天子悲憐其意遂下令

曰其除肉刑有以易之及令罪人各以輕重不二逃

有年而免具為令丞相張蒼御史大夫馮敬奏言肉

刑所以禁姦所由來久矣臣謹議請定律曰諸當完者完為城旦春當黥者髡鉗為城旦春當劓者笞三百當斬左止者笞五百當斬右止及殺人先自告及受坐受賕枉法守縣官財物而即盜之已論命復有當罪者皆弃市漢法肉刑止也罪人獄已決完為城旦春滿三歲為鬼薪白粢一歲為隸臣之妻一歲免為庶人其三逃及有罪耐以上不用刑後漢因俗說而論之曰高永亮舜之後自以德棄而制肉刑湯武順而行之漢書溥於唐言故也且除肉刑本欲全民也今去其鉗

等轉而入大辟以死罔民失本惠美故死者歲以萬數刑重所致也刑者歲十萬數民不畏不耻刑輕所生也必世而未仁百年而不勝殘禮樂缺而刑不止陳忠傳安帝時忠上除蚕室刑解臧吏三世禁錮狂易殺人得減重論母子兄弟相代死聽赦所代者事皆施行崔寔傳為政論曰文帝乃重刑非輕之也以嚴致平非以寬致平也

崔寔鄭玄陳紀之徒咸以為宜復肉刑荀彧訪百官孔融議云云卒不改陳群又陳其便而王脩不同其議遂寢魏文帝明帝又議亦寢周禮正義云文帝



唯赦墨劓刑三者宜宮刑至隋乃赦也開皇初始除  
宮刑

漢斷獄四百

刑法志孝文即位禁網踈闊選張釋之為廷尉罪疑者予民是以刑罰大省至於斷獄四百有刑錯之風撒噍城隸之用

漢都司空

百官表宗正屬官有都司空令丞注如淳曰律司空主水火及罪人賈誼曰輸之司空編之徒臣灌夫傳上使御史簿責嬰所言灌夫頗不讎劾繫都司空

宣紀中都官獄注師古曰中都官京師諸官府也漢儀注長安中諸官獄三十六所

漢廷尉平

宣紀地節三年十二月初置廷尉平四人秩六百石

地節四年九月令郡國歲上繫囚丞相御史課殿最以聞百官表廷尉掌刑辟

有正左右監景帝中六年更名大理武帝建元四年復為廷尉宣帝地節三年初置左右平秩皆六百石注應劭曰聽獄必質諸朝廷與眾共之刑法志宣

帝詔曰今遣廷史與郡鞠獄任輕祿薄其為置廷平秩六百石負四人其務平之於是選于定國為廷尉

正德二年補刊  
上海卷六二

求明察寬恕黃霸等以為廷平特涿郡太守鄭昌上  
䟽言今明主躬垂明聽雖不置廷平獄將自正若開  
後嗣不若刪定律令今不正其本而置廷平以理其  
末也政衰聽怠則廷平將招權而為亂首矣詞親  
按商子秦孝公三年置法官定分篇曰天子置三法  
官殿中御史丞相諸侯郡縣皆置一法官

漢若盧 品令

百官表少府屬官有若盧令丞注如淳曰若盧官名  
也藏兵器品令曰若盧即中二十人主弩射漢儀注  
有若盧獄主令治庫兵將相大臣 一列傳王吉郡國

舉孝廉為郎補若盧右丞 王商左將軍師丹奏曰

臣請詔謁者召商詣若盧詔獄注孟康曰若盧獄名

屬少府黃門北寺是也 後紀和帝永元九年十二

月己丑復置若盧獄官 安帝永初二年五月丙寅

太后上洛陽寺及若盧獄錄囚徒即日雨降 傳龐

參輸作若盧 月令正義夏曰均臺殷曰羨里周曰

圜土秦曰囹圄漢曰若盧魏曰司空 博物志夏曰念室

漢以廷尉主刑獄而宗正屬官有左右都司空 鴻臚

有別火令丞都郵獄少府有若盧獄令考工共工獄

執金吾有寺互都船獄 薛宣為都 又有上林詔獄水司

空掖廷祕獄暴室請室居室保徒官之名張湯傳蘇  
 蘇曰漢儀注獄二十六所魏王朗奏五部獄皆今漢志云  
 孝武所置世祖皆省之漢地理志陳留郡尉氏應  
 劾曰古獄官曰尉氏鄭之別獄也左襄二十一年稟盈過  
周曰將歸死於尉氏

漢議省刑法

光武紀建武二年三月乙未大赦天下詔曰頃獄多  
 寃人用刑深刻朕甚愍之其與中二千石諸大夫博  
 士議郎議省刑法五年五月詔中都官等出繫囚十  
 八年蠲邊郡殺盜之法

漢聽訟觀

晉志漢明帝即位常臨聽訟觀錄洛陽諸獄帝性  
 明察能得下奸故尚書奏決罰近於苛碎魏明帝  
 大和三年冬十月改平望觀為聽訟觀

魏金策著令

魏志文帝延康元年二月壬戌其官人為官者不得  
 過諸署令為金策著令藏之石室明帝大和三年  
 七月詔曰由諸侯入奉大統當明為人後之義其書  
 之金策藏之宗廟著于令典景初元年夏有司議定  
 七廟又奏文昭廟宜世世享祀奏樂與祖廟同於  
 是與七廟議並勒金策藏之金匱



聖六年十二月辛未經囚七年九月來歸皆赦之十  
三年三月甲子以早遣使覆囚於獄 高宗紀永徽  
四年四月以早慮囚遣使決天下獄五年六月河北  
大水遣使慮囚

唐大理獄訟集幾致刑措 斷獄二十

九人

刑志太宗以英武天下然其天姿仁恕初即位有  
威刑肅天下魏徵以為不可因為上言王政本  
仁所以愛民厚俗之意太宗欣然從之遂以寬  
仁治天下而於刑法尤謹貞觀四年天下斷死罪二  
十九人

十九人玄宗自初即位勵精政事帝自選太守縣令  
告戒以言而良吏布州縣民獲安樂二十年間號稱  
治平衣食富足人罕犯法是歲刑部所斷天下死罪  
五十八人往時大理獄相傳烏雀不棲是歲有鵲巢  
其庭木群臣稱賀以為幾致刑措 開元二十五年  
奏魏徵傳於是帝即位四年歲斷死刑二十九人  
幾致刑措 舊紀貞觀四年斷死刑二十九人  
刑措東致于海南致于嶺皆外戶不閉行旅不責券  
焉

紀貞觀二年十二月辛酉十年十二月十五年四月

十一月庚子十七年二月己亥二十二年閏十二月  
 癸巳親錄囚徒顯慶四年十月壬辰親慮囚龍朔三  
 年二月庚戌赦京城囚日親慮二十人不盡者皇  
 子於百福殿慮之咸亨二年六月癸巳景龍二年六  
 月壬寅親慮囚天寶十四載六月壬辰同

唐叅酌院

志穆宗頗知謹刑法每有司斷大獄令中書舍人參酌而輕重之號叅酌院

唐李崇法鑑

志刑法類八卷

唐議獄堂

國史張仁瑑後唐長興中為大理正上言曰唐咸通  
 十年大理少卿劉慶初奏請置議獄堂每丞詳斷刑  
 獄畢集大卿二少卿二正六丞四司有八評事同叅  
 詳令依典式其法官能辯雪寃滯狀迹尤異者二人  
 以上請與書上下考三人四人以上超資與官敕依  
 所奏望依故事於法寺置議獄堂

淳化審刑院

見院類

二年八月己卯置

太祖始用士人治州郡之獄太宗尤重用典刑哀矜

之詔歲輒有之刑部設詳覆之員諸路命糾察之使  
淳化又置審刑院於禁中防大理刑部之失凡具獄  
先上二司然後關報審刑事從中覆然後下丞相府  
丞相府又以聞始命論其重謹之備如此 祥符二  
年七月丁巳置糾察在京刑獄司周起趙湘領之

### 淳化刑部詳覆

唐末刑部案覆之職廢建隆三年三月十二日詔天  
下斷大辟錄案牘及判官法直官等名聞奏下刑部  
覆視乾德二年正月三十日詔曰漢制獄之疑者讞  
于有司所不能決者移於廷尉各脩其職無相奪倫

逮于近年頗隳舊制滯獄不斷避事上言自今諸路  
刑獄一準建隆三年二月詔書從事開寶六年四月  
雍熙四年正月復申此詔淳化元年五月辛卯詔刑  
部置詳覆官六員閱案牘咸平二年八月癸丑判大  
理寺王欽若言近者逾月無公案昔漢文決死刑四  
百唐太宗縱囚三百九十人猶號刑措今四海之廣  
刑奏止息逾月請宣付史官天禧三年十月二十六  
日己酉知審刑院盛度言在京及諸路止有斷案三  
道請付史館詔獎之宰臣進以刑清稱賀  
開寶六年七月壬子朔始以士人為司寇參軍改諸

州馬步院為司寇院天下巨鎮得置左右兩院者十

有六興國五年改

理參軍選清白能折獄者為

之淳化二年五月庚子命董循等十人分往諸路

提點刑獄四年十月壬戌省景德四年六月復置以

使臣副之七月命李珙等出御前印紙書績效天聖

六年正月省八年九月復嘉祐五年九月省武臣

熙寧元年二月復二年十一月省武臣提刑

### 元豐大理寺

元年十二月十八日戊午中書請復置大理獄置卿

少丞初上謂國初廢大理獄非是以問孫洙洙對合

### 刑制

旨至是命崔台符等作大理寺工萬七千十七日而

成作於元年十二月之戊辰訖于二年正月之甲申

以楹計凡三百六十有二

度地於馳道之西宋用臣經其制秦士禹司其役

史臣李清臣為記元祐三年五月丙午朔罷右治

獄依三司舊例於戶部置推勘檢法官

本朝開封御史有獄又置糾察司以裁其失刑部大

理斷刑又置審刑院以決其平鞠與讞各司其局元

豐始以大理兼獄事

### 紹興士師龜總

三年九月六日丁巳大理卿李與權以聖賢之訓與



謹獄之事分章取義類聚條分凡三百事列十門總  
為一書上之繕寫成五冊名曰士師龜總詔錄副本  
申尚書省

紹興刑名斷例

紹興三年正月乙丑手詔曰廷尉天下之平也曹劇  
謂小大之獄雖不能察必以情為忠之屬也可以一  
戰可布告中外為吾士師者各務仁平濟以哀矜天  
高聽卑福善禍淫莫遂爾情罰及爾身置此座右永  
以為訓臺屬憲臣常加檢察月具所平反刑獄以聞  
三省歲終鈎考當議殿最四年七月癸酉初命大理

刑制

丞評判定見行斷例刑部言國朝以來斷例皆散失  
今所用多是建炎以來近例乞將見行斷例并臣僚  
繳進元符斷例裒集為一若特旨斷例則別為一書  
九年十月戊寅朔命評事何彥猷等編集刑名斷例  
刑部郎張柄等看詳二十六年九月二十九日戊  
辰臣僚請以吏刑部例修入見行之法閏十月一日  
刑寺具崇寧紹興刑名疑難斷例三百二十條二十  
七年吏部尚書詳定敕令王師心編脩以紹興刑名  
疑難斷例為名又以吏部改官例六十二條修可行  
者三十條為紹興吏部改官申明十一月二日從之

書目熙寧法寺斷例十二卷元符二年刑名斷例三卷曾敏等撰凡四百九條

慶曆三年三月戊辰朔詔刑部大理寺集斷獄編為

例

漢之公府則有辭訟比以類相從尚書則有決事比以省請讞之弊比之為言猶今之例云爾定而不易者謂之法法不能盡者存乎人

紹興折獄龜鑑

紹興中鄭克撰三卷和凝著疑獄集三卷崇文目述事猥并克乃分二十門以義類詮次一本云鄭克決獄龜鑑二十卷和凝有疑

刑制

獄集近時趙全有疑獄事類皆未詳盡克因增廣之依劉向晏子春秋舉其綱要為之目錄分二十門

三百九十一事和凝集古今明於聽斷者二十九條為上

一卷子喙續三十八條為下二卷表上之一本云疑

傳聽訟斷獄辨雪冤枉等事著為疑獄集子喙因增益事類分為三卷表上之國史志王

臯續疑獄集四卷崇文日有律鑑一卷無撰人趙

綽金科易覽一卷

宋朝敕局

天聖編敕始有詳定編敕所別命官領之熙寧後詔脩一司敕令則又以編脩諸司敕式所為名元祐改熙豐之法則又以重脩敕令所為名建炎四年六月

丁丑詔敕令所將嘉祐政和條制對修成書大理卿  
 王衣請以詳定重脩敕令所為名後三日庚辰命宰  
 臣范宗尹提舉參政張守同提舉紹興元年八月戊  
 辰上重脩敕令格式及申明看詳等自是迄于三十  
 年秋敕局所脩書又一千八百六十三卷通海行法  
 為二千六百二十卷有奇政和元年十二月十日始頒海行敕令三十  
 一年遂罷之三十二年六月甲午脩上皇聖政復置  
 敕令所乾道四年十一月刪脩建炎後續旨乃以重  
 脩敕令所為名六年十一月乙未又以詳定一司敕  
 令所為名置提舉官二同提舉一詳定一刪定五自

刑制

乾道後新修之書又三千一百二十五卷淳熙十五  
 年四月林栗請省無用之費六月戊辰罷敕令所紹  
 熙二年五月癸丑復置詳定敕令局慶元二年二月  
 丙辰復置編修敕令所國初刪修刑統但屬大理劉摯曰神宗  
 元豐中命有司編脩敕令凡舊載於敕者多移之於  
 令蓋違敕之法重違令之罪輕見神宗仁厚之德哀  
 矜萬方欲寬斯人之所犯恩施甚大也  
 建隆初編敕四卷百有六條興國中增至十五卷淳  
 化倍之咸平增至萬八千五百五條芟其煩亂可為  
 敕者二百八十有六條總十一卷當時便其簡易祥

符七年又增至三十卷千三百七十四條天聖中有  
 司言敕復增至六千餘條命官刪定詔中外使言敕  
 之得失民之所欲因而循之民之所病革而化之消  
 息盈虛與時偕行析言破律之姦竒請他比  
 之衆庶庶天聖中呂夷簡以貳政之臣同定編敕厥後  
 二府遂為故實蓋進而參道揆於一堂之上退而明  
 法守於三尺之中皆大臣事也。

晉有定科郎裴楷為之宋元嘉十八年三月戊申置

尚刪定郎官張永為之齊尚書刪定郎王植梁刪定

郎蔡法度陳永定元年十月置刪定郎治律令後周  
 柳敏小司馬監脩律令。

刑制

易之大象言刑獄者凡五噬嗑音旅豐是也然皆以  
 離體以發其義中孚外實內虛其象似離解互體有  
 離故亦曰議獄緩死赦過宥罪豐之象曰雷電皆  
 至豐君子以折獄致刑折獄必照其情實惟明克允  
 致刑以威於姦惡惟斷乃成蕭何次律令房喬定  
 格式鄭昌以刪定律令為正本班固以刪定律令  
 為清原古之人垂憲象魏焉民讀灋明白洞達日  
 星垂而江河流也伯夷以禮典折民仲舒以春秋  
 次獄晉鑄刑鼎仲尼譏之鄭鑄刑鼎叔向責之  
 典曰五典教曰五教得罪於教則用刑聖人之治



先春風以播恩後秋霜而動憲 古人之論刑不  
曰惟克天德自作元命則曰比制五刑必即天論蓋  
用刑之權出於天人主與有司特奉行之耳任非其  
人命曰褻天

玉海卷第六十七

玉海卷第六十八

浚儀王應麟伯厚甫

禮儀

禮制上

古者宮室車輿以為居衣裳冕弁以為服尊爵俎  
豆以為器金石絲竹以為樂以適郊廟以臨朝廷  
以事神而治民其歲時聚會以為朝覲聘問權忻  
交接以為射鄉食饗合衆興事以為為師田學校下  
至里閭田疇吉凶哀樂莫不一出於禮由以教其  
民為孝慈友悌忠信仁義常不出於居處動作衣

服飲食之間三代以亡遭秦變古後之有天下者  
一切用秦雖有欲治之主牽於時俗安於苟簡而  
已自漢以來史官所記皆有司之事爾所謂禮之  
末節也

伏羲嘉禮

禮記外傳嘉禮者好會之事起自伏羲以儷皮為幣  
始制嫁娶又禮記正義通典月令正義按

黃帝五禮

禮記正義尊卑之禮起於遂皇伏羲之時易道既彰  
禮事彌著古史考云制嫁娶以儷皮為禮則嘉禮始

禮制

於伏犧也郊特牲云伊耆氏始為蜡熊氏曰即神農  
則祭祀吉禮起於神農也又史記云黃帝戰涿鹿則  
有軍禮易繫辭黃帝九事章則有凶禮論語撰考云  
軒轅知地利九牧伯教是賓禮也自伏犧以後至黃  
帝吉凶賓軍嘉五禮始具論語殷因夏禮周因殷禮  
則夏商亦有五禮鄭康成注大宗伯云唐虞有二禮  
至周分為五禮不言夏商者書篇散亡夏商之禮絕  
據周禮有文者而言周公攝政六年致太平述文武  
之德而制禮皇氏云禮理起於太一禮亭起於遂皇  
禮名起於黃帝





說史舜紀堯乃試舜五典百官皆治

三禮至周分為五禮

周禮宗伯疏禮論云唐虞有通典脩贄類帝吉禮也釐降

密八音凶禮也自伏羲以來五禮始彰堯舜之時五

禮咸備禮記正義同云舜時五禮具備云

禮者據事天地與人為二禮

義鄭志云唐虞之禮五載一巡守

虞禮樂制度

黃帝禮樂制度

王制五年天子一巡守歲二月東巡守至于岱宗柴

望祀山川覲諸侯問百年就見之命太師太師掌陳

詩以觀民風命市納賈以觀民之好惡命典禮考時

禮制

灌溉之西序啓便門以備臨幸蓋遷西館之書分於

兩廊貯焉東廊為昭文書庫南廊為集賢書庫西廊

為史館書庫凡六庫分經史集四部正副本凡八萬

卷初乾德中平蜀得書萬三千卷開寶中平吳得書

二萬餘卷參以舊書為八萬卷凡六庫書籍皆以類

相從用雕木為架以青綾帕幕之簡冊之府翕然一

變矣一云前三館後建秘閣是月十六日辛未

帝幸新崇文院觀群書久之詔宰相親王恣其檢閱

問難少頃召劉鋹李煜至亦令縱觀因即中堂宴從

臣盡醉而罷真宗咸平元年十一月命內臣監秘閣

萬曆丁亥年

監生徐慶觀刊

監生徐慶觀刊

圖書三館書籍二年七月甲辰幸崇文院開書庫閱  
 群書登秘閣觀太宗御書賜館閣官器幣五年七月庚  
 戌幸三館秘閣閱四庫書賜直閣校理器幣並詳見  
觀書類  
 景德四年十一月辛巳宴館閣官于院祥符八年夏  
 禁中火五月翰學陳彭年言唐制中書門下兩省宮  
 城之內有內省宮城之外有外省請於左右掖門外  
 建外院別置三館書庫壬辰詔於右掖門外別置崇  
 文外院內院奉安太宗聖容御書天文圖書四廊為  
書庫及史館日曆庫館閣官宿直校尉抄寫  
 雕印並於外院時內廷嚴火禁因命有司討論故事  
 而改之又借太清樓本補萬天聖三年成萬七千  
六百卷自建隆至祥符藏書  
 著錄三萬六千三百八十卷天禧元年一云  
三年八月丁

院

月定日同律禮樂制度衣服正之山川神祇有不舉  
 者為不敬不敬者君罰以地宗廟有不順者為不孝  
 不孝者君紿以爵變禮易樂者為不從不從者君深  
 革制度衣服者為畔畔者君討有功德於民者加地  
 進律南巡如東禮注天子以海內為家時一巡省之  
 五年者虞夏之制也周則十二歲一巡守正義典禮  
 之官於周則太史也正定甲乙之日陰管之同陽管  
 之律玉帛之禮鐘鼓之樂及制度衣服各有差等舜  
 典云同律度量衡大意與此同也堯典云五氣一巡  
守正謂虞也連言夏耳王制又曰三公一命卷注虞

夏之制天子服有日月星辰又曰諸侯五年一朝注  
虞夏之制諸侯歲朝周制六服各以其服歲來朝五  
年一巡守者虞夏之制周則十二歲一巡正義堯典  
五載一巡守謂虞也若夏與殷依鄭志當六年一巡  
守又曰天子三公九卿二十七大夫八十一元士注  
此夏制也又曰諸侯約則不禘注虞夏之制諸侯歲  
朝廢一時祭 通典歲二月云云又命典禮之官考  
校四時月日及候氣之律呂所用禮樂宮室車旗等  
制度君臣上下之衣服皆以王者所頒制度考校之  
周官六年五服一朝又六年三乃時巡考制度于

四岳 史秦紀由余曰黃帝作為禮樂法度身以先  
之 湯子問道篇虞夏龍襲堯之爵行堯之道法度彰  
禮樂著

書觀四岳群牧班瑞于群后協時月正日同律度量

衡修五禮五玉 漢郊祀志 三帛命伯夷作秩宗典三

禮命夔典樂教胄子八音克諧神人以和欲觀古人

之象日月星辰山龍華蟲作會宗彝藻火粉米黼黻

絺繡以五采彰施于五色作服欲聞六律五聲八音

在治忽以出納五言夔曰曼擊鳴球搏拊琴瑟以詠

祖考來格虞賓在位羣后德讓下管鼗鼓合止祝啟

萬曆十七年 監生黃汝極

笙鏞以間鳥獸蹌蹌簫韶九成鳳凰來儀

夏禮 殷禮 夏殷禮

中庸子曰吾說夏禮杞不足證也吾學殷禮有宋存

焉 論語殷因於夏禮周因於殷禮所損益可知也

禮器天子之冕朱綠藻十有二旒注朱綠似夏殷

禮也周禮天子五采藻 祭統春禘夏禘注謂夏殷

時禮 祭義注春禘者夏殷禮也周以禘為殷祭更

名春祭曰祠 詩清廟疏以王制之法及鄭志所云

殷禮春禘夏禘 內宰疏夏殷之禮爵命不及於士

周之禮上士三命中士再命下士一命

殷六禮 七教 周十二教 見官制司

殷禮 商禮俗

記王制司徒脩六禮以節民性冠昏喪祭明七教以

興民德父子兄弟夫婦君臣長幼朋友賓客齊八政以防淫飲食衣服

數制度量正義此六禮七教並是殷禮周則五禮十二教

也 書洛誥王肇稱殷禮祀于新邑咸秩無文疏時

制禮已訖而云殷禮者此殷禮即周公所制禮也雖

有損益以其從殷而來故稱殷禮既用騂牛明用周

禮顧氏云舉行殷家舊祭祀用周之常法言周禮即

殷家之舊禮也鄭玄云王者未制禮樂常用先王之

禮樂周公制禮樂既成不使成王即用周禮仍令用  
 殷禮者欲待明年即政告神受職然後班行周禮故  
 告神且用殷禮也  
 郊特牲注魯公之郊用殷禮  
 詩殷武箋商邑之禮  
 俗翼翼然可則倣  
 樂記注武王使箕子視商禮樂  
 之官

殷王居明堂禮

月令迎春東郊注王居明堂禮曰出十五里迎歲蓋  
 殷禮也周近郊五十里正義逸禮篇名  
 仲春高俶注王居明堂禮曰帶以弓韞季春磔禳注亦

禮制

引之 仲秋水始涸注引季秋除道 仲冬引孟冬  
 之月命農畢積聚收牛馬 季冬引季冬命國為酒  
 合三族君子說小人樂 禮器注引仲秋乃命國釀  
 蔡邕明堂論亦引之 唐禮志貞觀中顏師古議明  
 堂曰文王居明堂之篇帶弓韞禮高俶九門磔禳國  
 有酒以合三族推其事皆與月令合則皆在路寢也  
 會要無文王字 又有置除道以利農夫一句  
 詩疏袁準正論云古有王居明堂之禮月令則其事也

夏殷國典

月令季冬天子與公卿大夫共飭國典論時令以待

來歲之宜注飭國典者和六典之法也周禮以正月為之建寅而縣之今用此月所因於夏殷也

周五禮 六儀 五典 武王五教 三十六禮

禮大司徒六藝注禮五禮之義以五禮防萬民之偽

教之中 保氏教六藝一曰五禮吉凶軍賓嘉教之六儀

曰祭祀賓客朝廷喪紀軍旅車馬之容祭祀齊齊皇帝

皇皇朝廷濟濟邦邦喪紀纍纍顛顛 太宗伯注禮

謂曲禮五其別三十有六疏太宗伯摠掌古禮之別

十有二禮祀實柴樵燎血祭醜沈鬻辜肆獻裸饋食

禮制

祠禴嘗烝文禮之別五喪荒弔禴恤賓禮之別八朝

宗親遇會同問視軍禮之別五大師大均大田大役

大封嘉禮之別六飲食昏冠賓射饗燕服膳賀慶

小宗伯掌五禮之禁令與其用等邊人注今古禮

存者犧牲少牢諸侯之大夫士祭禮也皆云饋食之

禮 內宰以陰禮教六宮九嬪 都宗人正都禮家

宗人掌家禮 記明堂位周公攝政六年制禮疏周

官儀禮也 樂記武王云云五者天下之大教也疏

郊射一 禋冕二 祀明堂三 朝覲四 耕籍五 書周官

司徒敷五典注五常之教疏五典即五教謂父義母

嘉清...

慈兄友弟恭子孝也

君牙弘敷五典

周九儀 九禮 五儀

大宗伯以九儀之命正邦國之位每命異儀貴壹命

受職始見命再命受服受女冕三命受位始有列位

於四命受器得公之孫始五命賜則則地未成國之名

成為則方六命賜官王六命之卿使自得自置七命賜

國王之卿六命出八命作牧侯伯有功德者九命作

伯上公有功德者加命為二伯得征五侯九伯者以

作以臣為主小宰八成五曰聽祿位以禮命注司

若大宗伯九儀若一命以至九與命掌諸侯之五

禮制

儀諸臣之五等之命

注五儀公侯伯子男之儀五等謂

也疏此五儀有三等之命命雖有同者其儀皆異大宗

伯據九等之命為九儀命異儀即異此據五等之爵為

五儀是以命上公九命為伯其國家宮室車旗衣服禮

儀皆以九為節侯伯七命以七為節子男五命以五為

節王之三公八命其卿六命其大夫四命及其出封皆

加一等諸侯適子誓於天子攝其君則下其君之禮一

等未誓以皮帛繼子男公之孤四命以皮帛祗小國之

君其卿三命大夫再命士壹命侯伯之卿大夫士亦如

之子男之卿再命大夫壹命士不命宮室車旗衣服禮

命於下而皆有儀馬內宰疏見上

大司馬九灋設儀辨位以等邦國

謂諸侯及諸臣之儀

大行人以九儀辨諸侯之命等諸臣之爵

以同邦國之禮而待其賓客

九儀謂命者五公侯伯子男爵者四孤卿大夫士

諸侯之王事辨其位正其等協其禮  
小行人協九儀

賓客之禮朝覲宗遇會同君之禮也存視省聘問臣之

禮也  
司儀掌九儀之賓客擯相之禮以詔儀容辭令

揖讓之節詔王儀南鄉見諸侯士揖庶姓時揖異姓天

揖同姓擯之各以其禮  
掌訝掌邦國之等籍等九儀之籍

掌交諭九禮之親九儀之禮  
大司徒十二教五日以儀

辨等杜子春注謂九儀  
史闡相如傳秦設九賓於廷注韋昭曰九賓則周

禮制

禮九儀索隱曰

左傳宋左師獻公合諸侯之禮六

注其禮

六儀  
子產獻伯子男會公之禮六

周九儀記先王之制莫急於儀惟周質隆朝有朝儀射有

射儀車有車儀樂有樂儀而玉帛弁冕  
鳥之容藹加也鸞

和環佩瑀琚之聲鏘如也升降出入之際翼如也而賓儀

之辨尤極纖悉蓋朝覲宗遇歲有常禮弁冕紳綏四方朝

貢麟次輻集交際酬酢爵列少紊則禮容乖錯而位著不

恪其係於觀瞻豈細事哉抑嘗紬繹周官辨儀之深意還

觀九儀布在六典馭貴富以爵祿詔於太宰聽祿位以禮

命叙於小宰以儀辨等見於大司徒正儀辨位見於大司



馬至其命秩則掌於春官意者出爵賜命諳然如春所以昭示上仁其儀章則詳於秋官意者序爵秩禮肅然如秋所以森嚴典憲擯相謹於司儀禮籍具於小行人掌訝辨其邦國之等掌交諭其九禮之親康成傳經皆以九儀釋之然儀之別雖至於九儀之總不過乎五又約而言之則三而已故典命之叙諸侯曰五儀諸臣曰五命而軻書王制之序爵皆五等也武成之列爵惟五於是可攷矣司服有公之服侯伯之服子男之服掌客有公之禮侯伯之禮子男之禮行人敘諸侯則曰如諸公男則曰如諸子而司儀贊見亦為壇三成序揖皆二等也武成之分土惟三於是可驗

矣王朝內臣外職侯邦之秩上公之孤旁職小國之君由卿三命下而至士至於一命則侯伯所周由卿再命下而至士微或不命則子男所獨大槩亦不越乎三耳儀以九為數故詳而難紊儀以三為等故簡而易明至其品節隆殺之間尤截截可攷三公在朝止於八命及其出封惟加一等故典命之論禮儀必以九為節而王制之論加賜不過九命有如王者衮冕盛於九章上公之服則無升龍別嫌明微其分辨嚴矣然至於合諸侯長則其十有二獻蓋禮不可以力踰禮不厭其從厚是固先王闢闔之大用王綱不

振舊章湮汨玉穀同賜而等列無所辨繁纓假人而名器無所司金奏施於陪臣雍徹僭夫天子滕薛爭長蔡衛爭先宋不受功鄭不承賦甚至班爵去籍而益蕩然矣漢氏革荆百官之制綿蕞一代之禮長樂朝儀設九賓之臚傳德陽朝賀作九賓之徹樂韋昭注史謂九賓猶古之九儀若位置之有法然列爵二十等雜用秦制武功十七級特優戰士至於中朝加官之設特進賜位之殊更立紛紛非甚有紀唐之正至受朝太極百官文武之班諸郡朝集之使與夫先聖之裔先代之後文纓武裝濟濟諸蕃宗室莫不咸

禮制

在當時文士之賦亦有天子端朝明庭九賓之語訊其唐之官制視漢已愧九品序爵階區區泐襲隋陋仰企成周不亦大有逕庭乎噫大經大法存乎禮度數織悉具於儀魯昭習儀君子不謂知禮趙蔣子問儀子大叔力辨其非禮其有以也先生盛時九畿有籍外列蠻夷鄭氏之注以為禮差之書大宗伯九儀之命非但行乎六服之內必有大者以維持乎是故曰禮儀三百威儀三千待其人然後行

周六禮

春官大宗伯以肆獻裸享先王以饋食享先王以祠

春享先王以禴夏享先王以嘗秋享先王以烝冬享先王之疏此一經陳享宗廟以賓禮親邦國春見曰朝夏見曰宗秋見曰覲冬見曰遇時見曰會殷見曰同義宗曰此六者為君禮時聘注此六禮者以諸侯見曰問殷覲曰視二者為臣禮王為文朝猶朝也欲其來之早宗尊也欲其尊王覲勤也欲其勤王事遇偶也欲其羞不期而至時見者言無常期諸侯有不順服者王將有征討之事則既朝覲王為壇於國外合諸侯而命事焉春秋傳曰有事而會殷猶衆也十二歲王如不巡守則六服盡朝朝禮既畢王亦為壇合諸侯以命政焉

秋官大行

禮制

人春朝諸侯而圖天下之事秋覲比邦國之功夏宗

陳天下之謨冬遇協諸侯之慮時會發四方之禁殷

同施天下之政注此六事以王見諸侯為文司馬法曰春朝圖同事夏宗陳同謀秋覲比

同功冬遇圖同慮時會侯服歲見甸服二歲見男服

三歲見采服四歲見衛服五歲見要服六歲見蕃國

世一見曲禮天子當依而立諸侯北面而見天子

曰覲天子當宁而立諸公東面諸侯西面曰朝注夏

宗依春冬遇依秋春秋時齊侯唁魯昭公以遇禮相

見取易畧也覲禮今存朝宗遇禮今亡

周禮經見前六經類

大宰建邦之六典注典常也經也法也王謂之禮經常所秉以治天下也邦國官府謂之禮法常所守以為法式也常者上下通名疏釋言云典經也凡言經者以經紀天下左傳序宣子所見周之舊典禮經疏傳稱分魯公備物典策典策則史官記事之法若發凡言例皆周公制若所記無法何足賜諸侯周衰諸國多違舊章唯春秋遵周公之典以序時事周之所以王文主作易象也春秋獨遵周公典法故先言周公之德隱七年春同盟稱名繼好息民謂之禮經注此言凡例乃周公所制禮經也十一年不告之例

禮制

又曰不書於策明禮經皆當於是策疏此為禮之常法立明意言周公謂之閔二年仲孫曰魯猶秉周禮周禮所以本也魯不棄周禮未可動也僖二十一年成風曰崇明祀保小寡周禮也二十五年卜偃曰周禮未改今之王古之帝也文十八年大史克曰周公制周禮曰則以觀德德以處事事以度功功以食民宣十六年王曰享有能薦宴有折俎公當享即當宴王室之禮也成二年晉獻齊捷王使委於三吏禮之如侯伯克敵使大夫告慶之禮降於卿禮一等僖十一年王以上卿之禮贊管仲受下鄉之禮

禮記卷之六 禮記卷之六 禮記卷之六

昭四年左即獻公合諸侯之禮六子產獻伯子男

會公之禮六 昭二年韓宣子適魯見易象與魯春

秋曰周禮盡在魯矣吾今知周公之德與周之所以

王十五年叔向日禮三之大經也言以考典與以志

經二十六年王子朝告諸侯及先王之經 哀七年

子服景伯曰周之王也制禮上物不過十二今棄周

禮而曰必百宰子貢曰大伯而委以治周禮 晉語

公子如楚楚成王以周禮享之 魯昭公自郊勞至

無失禮女叔齊曰是儀也不可謂之禮禮所以

治也國行其政令無失其民也簡子問揖遜周旋之

禮子太叔曰是儀也非禮也禮上下之紀天地之經  
緯民之所以生也二子知禮之本末矣然制度文為  
雖禮之末捨此則安上治民之意無以寓

周禮籍

小行人掌邦國賓客之禮籍以待四方之使者令諸  
侯春入貢秋獻功王親受之各以其國之籍禮之注  
名位尊卑之書疏邦之禮籍諸侯及臣皆在 大司

馬九畿之籍注其禮差之書也 掌訝掌邦國之等

籍以待賓客注等九儀之差數 禮運天子適諸侯

必舍其祖廟而不以禮籍入是謂壞法亂紀注謂太

嘉靖丙辰年 監生陸經刊

史典禮執簡記奉諱惡。左傳晉獻齊捷于周王告之曰非禮也勿籍孫伯黶司晉典籍王子朝奉周之典籍以奔楚。

漢志諸侯惡禮制之害已去其篇籍。後輿服志戰

國削滅禮籍修奇麗之服飾其輿馬文罽玉纓象鑣

金鞍以相夸。周語富辰曰鄭未失周典太子晉曰

省其典圖刑法。

### 周禮書

大史下大夫二人大祭祀與執事卜日戒及宿之日與群執事讀禮書而協事祭之日執書以次位常大

禮制

會同朝覲以書協禮事及將幣之日執書詔王疏當此二日之時與群執事預祭之官讀禮書而協事執書者執行祭祀之書若今儀注

### 周制 見六經禮類 三代典禮

周語晉侯使隨會聘于周定王饗之殺丞原公相禮武子歸乃講聚三代之典禮脩執秩以為晉法。文公蒐被廬作執秩之法。

脩其班制。明堂位注嶽周禮謂之距疏非周禮正文言周代禮儀故少牢禮俎拒是也。

制十八篇似河間獻王所述。儒家

萬曆丁亥年 影五年華師甫刊

周灋儀

大僕祭祀賓客正王之服位詔灋儀贊王牲事王燕

飲相其灋行拱揖小臣掌王之小命詔相王之小灋儀注趨

齊僕其灋儀各以其等為車送逆之節

道僕其灋儀如齊車射人祭祀贊射牲相孤卿大

夫之灋儀以射灋治射儀

隋志儀注之興久矣上下親疏之別進止威儀之數

唐虞已上分之為三在周因而為五周官宗伯所掌

而太史執書以協事之類是也

周禮樂書

禮制

儀禮鄉飲酒禮南陔白華華黍注昔周之興也周公

制禮作樂采時世之詩以為樂歌所以通情相風切

也其有此篇明矣後世衰微幽厲尤甚禮樂之書稍

稍廢棄

魯禮

史記齊世家景公二十六年魯昭二十六年獵魯郊因入魯

與晏嬰俱問魯禮左傳無其事左傳周禮盡在魯諸侯

宗魯於是觀禮明堂位魯王禮也天下資禮樂焉

中庸吾學周禮今用之吾從周疏鄭谷趙商問曰魯

與諸侯皆用周之禮法王制注魯禮二年禘郊

特牲祭之日被袞注此魯禮也

漢叔孫通禮儀 朝儀 長樂宮朝儀

宗廟儀法 奉常儀法

叔孫通傳漢王并天下諸侯共尊為皇帝於定陶通就其儀號高帝悉去秦儀法為簡易群臣飲爭功醉或妄呼按劍擊柱上患之通說上曰願召魯諸生與臣弟子共起朝儀禮者因時世人情為之節文臣願頗采古禮與秦儀雜就之上曰度吾所能行為之通使召魯諸生三十餘人魯有兩生不肯行曰禮樂所由起百年積德而後可興也通遂與所召三十人西

及上左右為學者與其弟子百餘人為緜蕞野外淳如

曰以茅剪樹地為纂位尊卑之次也習之月餘通曰

上可試觀上使行禮曰吾能為此迺令群臣習肄會

十月漢七年長樂宮成諸侯羣臣朝十月明以十月為正月

漢正以十月為首行朝歲之儀儀先平明謁者治禮引以次入殿門

廷中陳車騎戍卒史記云衛官設兵張旗志傳曰趨

殿中郎中俠陛陛數百人功臣列侯諸將軍軍吏以

次陳西方東鄉文官丞相以下陳東方西鄉行人設

九賓今之鴻臚也臚句傳九賓周禮也於是皇帝輦出房百

官執戟傳警引諸侯王以下至吏六百石以次奉賀



自諸侯王以下莫不震恐肅敬至禮畢盡伏置酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去竟朝置酒無敢謹譁失禮者高帝曰吾廼今日知為皇帝之貴也拜通為奉常賜金五百斤孝惠從通為奉常定宗廟儀法及稍定漢諸儀法皆通所論著也贊曰舍枹鼓而立一王之儀禮志命叔孫通制禮儀以正君臣之位以通為奉常遂定儀法未盡備而通終執文志不載曹褒傳云十二篇通將制定禮儀見非於齊魯之士叔孫通所撰禮儀與律令同錄臧於理官法家又復不傳漢

典寂而不著

儒林傳叔孫通作漢禮儀因為奉常

諸弟子共定者咸為選首然後喟然興於學

郊祀

志贊叔孫生略定朝廷之儀若正朝服色郊望之事

數世猶未章焉又記禮書秦悉內六國禮儀采擇

其善雖不合聖制其尊君抑臣朝廷濟濟依古以來

叔孫通頗有增損大抵皆襲秦故自天子稱號下至

佐僚及宮室官名少所變改後曹褒傳班固上叔

孫通漢儀十二篇見曹褒禮後志注樊長孫曰漢

家禮儀叔孫通等所章創皆隨律令在理官藏於几

閣無紀錄者久令二代之業聞而不彰通典秦收

三

三十一

儀禮歸之咸陽但采其尊君抑臣以為時用陳書

沈文阿云叔孫定禮尤失前憲莫贊不陸致享無帛

公王同璧鴻臚奏實若此數事未聞於古隋志漢

興叔孫通定朝儀武帝始祀汾陰后土成帝初定南

北郊節又漸具後漢曹褒定漢儀是後相承世有制

作禮記疏案高祖時皇太子納妃叔孫通制禮以

為天子無親迎周禮疏通作漢禮器制度取法於

周陸機集功臣頌百王之極齋章靡存漢德銘明

朝儀則昏稷嗣制禮下肅上尊穆穆帝典煥其皇則

風傳三代憲派後昆揚子五帝垂典三王傳禮百

世不易叔孫通起於枹鼓之間解甲投戈遂作君臣之儀得也

漢儀法 儀品

叔孫通傳高帝悉去秦儀法為簡易云云孝惠從通

為奉常定宗廟儀法及稍定漢諸儀法志云遂定儀法賈

誼傳以為漢興二十餘年天下和洽當改正朔易服

色制度定官名與禮樂乃草具其儀法色上黃數用

五為官名悉更奏之帝謙遜未皇也史梁世家楮

先生曰漢之儀法朝見賀正月者常一王與四侯俱

朝見十餘歲一至梅福傳上書曰叔孫通歸漢制

萬曆丁亥年 監生 華師甫刊

作儀品

論衡曰高祖詔叔孫通制作儀品十六篇

後百官志注舊制儀

品見官名

韓延壽傳守潁川教以禮讓問謠俗陳

和睦親愛長老皆以為便因與議定嫁娶喪祭儀品

略依古禮不得過法令文學校官諸生皮弁執俎豆

為吏民行喪嫁娶禮百姓遵用其教建初元年秦彭

守山陽春秋饗射脩升降揖讓之儀

許后傳壬寅

日大長秋受詔椒房儀法御服輿駕皆如竟寧以前

故事禮內宰注若今稱皇后為中宮矣疏漢舊儀

有此事也

漢王制

禮制

郊祀志

又帝十六年四月使博士諸生刺六經中作

王制謀

議巡狩封禪事史記索隱劉向七錄云

帝所造

書有本制兵制服制篇禮記王制注禮記

云文帝

令博士諸生作此篇自王者之制祿爵至六

禮之教

八政正義鄭氏目錄云王制記先王班爵授

祿祭祀

養老之法度鄭荅臨頌云王制在孟子後有

正聽之

又有古者周尺之言知在秦漢之際或曰王

制言爵祿取孟子言巡狩取虞書言歲三田及大司

徒司馬司空三官取公羊氏言諸侯朝聘之節取左

氏其餘必皆有所授鄭氏於不可通者必曰此殷制

非也 史記禮書孝文即位有司議欲定儀禮孝文好道家之學罷去之

賈誼請定經制令君君臣臣上下有差父子六親各得其宜 王吉言述循舊禮明王制

### 漢禮樂古事

漢通漢之後河間獻王采禮樂古事稍稍增輟至五百餘篇今學者不能昭見但推士禮以及天子說義為增數 漢未有立禮成樂此賈誼仲舒王吉劉向

**敘傳**河間賢明禮樂是修為漢家

**志禮**以疎簡所漏者多與章事數百不記  
漢太初宗廟百官儀 漢官禮儀故事  
朝廷制度

上制詔御史曰漢亦一家之事典法不傳謂子孫何化隆者闕博治淺者漏狹可不勉歟乃以太初之元改正朔易服色封泰山定宗廟百官之儀以為典常垂於後世  
云封禪以日制儀采 郊祀志贊太初改制服色數度

應劭傳建安二年遷都許昌舊章湮沒唐志魏館類  
書記等存乃綴緝所聞著漢官儀故事唐志魏館類

卷漢官儀十卷 隋志凡朝廷制度百官典式多勅

所立論當時行事著中漢輯序撰風俗通以辨物類

名號釋時俗嫌疑文雖不典後世服其洽聞凡所著

述百三十六篇 續漢書勅著中漢輯叙漢官儀及

禮儀故事凡十一種百三十一卷朝廷制度百官儀

式所以不亡者由勅記之

光武紀行司隸校尉三輔吏士見司隸僚屬出言

吏或垂涕曰不圖今日復見漢官威儀識者皆嗚心

馬 耿純傳謁光武於邯鄲退見官屬將兵法度不

與它不同遂自結納

國從以虎賁官騎 比海 取王睦永平中歲終遣中

大夫奉璧朝賀 第五倫 得建武二十七年補淮陽

醫工長二十九年從王朝 京師隨官屬得會見帝問

政事大悅明日復召入 見天子漢法凡當四見始

更記褚先生曰諸侯王朝 馬璧玉賀正月法見後三

到入小見正月朔旦奉皮 二日復入小見辭去凡

日為王置酒賜金錢財物 燕見於禁門內飲於省

留長安不過二十日小見若 漢之法朝見賀正月者

中非士人所得入也 高紀十一年二月

王與四侯俱朝見十餘歲 高紀十一年二月

令諸侯王通侯常以十月朝獻  
元延四年入朝盡從傳相中  
獨從傳上怪之以問定陶王  
其國二千石故盡從之他日  
法令不能對成帝由此賢定  
郊祀馬彪祭祀禮儀蔡邕朝  
漢朝會見諸儒

漢朝會見諸儒

魯丕傳永元十一年遷中散

諸儒丕與侍中賈逵尚書令

丕說罷朝特賜冠履

大夫和帝因朝會見諸儒

香等相難數

襲

紀注引丁孚漢儀式 祭祀志注引丁孚漢儀 祭  
法疏案漢儀高帝廟主九寸前方後圓圍一尺后主  
七寸 隋志曹褒定漢儀 通典晉顧和按衛宏撰  
漢儀拜丞相亦無樂 唐志職官類丁孚漢官儀式  
選用一卷

漢五禮

祭祀志建武三十二年二月上至奉高刻石文曰建

明堂立辟雍起靈臺設庠序同律度量衡修五禮

國曰公侯伯子男朝聘之禮 五玉三帛二牲一死贄

吏各修職復于舊典

漢曹褒新禮 漢禮 禮簡

本傳褒父充建武中為博士從巡狩岱宗定封禪禮  
受詔議立七郊三雍大射養老禮儀顯宗即位充上  
言漢再受命仍有封禪之事而禮樂廢缺五帝不相  
沿樂三王不相襲禮大漢自制禮以示萬世帝善之  
改大子樂拜充侍中作章句辨難於是慶氏學褒  
少為志傳業尤好禮事常感朝廷制度未備慕叔孫  
通為漢禮儀晝夜研精沈吟專思寢則懷抱筆札行  
則誦習文書拜博士肅宗欲制定禮樂元和二年下  
詔曰河圖稱赤九會昌十世以光十一以興尚書璇

禮制

幾於曰述堯理世平制禮樂放唐之文褒知帝旨欲  
有興作上疏曰聖人受命制禮作樂以著功德今皇  
天降祉嘉瑞並臻制作之符甚於言誕宜改文制著  
或漢禮不顯祖宗威德之美章下太常太常巢堪以  
為一世大典非褒所定不可許帝知群儒拘攣難與  
圖始朝廷禮憲宜時刊立肅宗紀贊左不執明年復  
下詔曰朕以不德膺祖宗弘烈乃者鸞鳳仍集麟龍  
並臻甘露宵降嘉穀滋生赤草之類紀於史官朕夙  
夜祗畏上無以彰於先功下無以克稱靈物漢遭秦  
餘禮壞樂崩且因循故事未可觀者有知其說者各

盡其能，哀省記嘆息，復上疏具禮陳樂之本制。改  
意拜哀侍中，以事下三公。未及奏，詔召玄武司馬  
固問改定禮樂之宜。固曰：京師諸儒多能說禮，宜  
招集共議得失。帝曰：諺曰：作舍道邊，三年不成。會禮  
之家，名為聚訟，互生異議，筆不得下。昔堯作大章，一  
夢足矣。章和元年正月，乃召哀詣嘉德門，令小黄門  
待班固所上叔孫通漢儀十二篇，敕哀曰：此制散略，  
多不合經。今宜依禮條正，使可施行於南宮東觀。  
心集作，哀既受命，乃叙次禮十事，依經舊典，難以五經  
識記之文撰次。天子至於庶人，冠衣皆為終始制。

以為百五十篇，寫以二尺四寸，簡其年十二月。

帝以衆議難一，故但納之不復。令有司平奏和議，即

位，哀乃作為章句。帝遂以新禮二篇冠永初三年

哀監羽林左騎後五年十一月太尉張酺尚書張敞

奏，褒檀劄漢禮，破亂聖術，宜加刑誅。帝雖寢其志，遂

禮遂不行。范曄論曰：孝章永言前王，明發與作，專令

禮臣撰定國憲，而業絕天筭，議點異端，斯道後聖矣。

樂非夔襄而新音代起，律謝皋壽而制令亟易，修

奮文獨何猜焉。張奮傳永元十三年，拜太常，二

漢當改作禮樂圖書著明，謹條禮樂異議三事，願下



有司以時考定先帝已詔曹襄今但奉而成之猶周公制文武之道非自為制帝喜之不行張衡傳永初中謂者僕射劉珍校書郎劉向等著作東觀撰集漢記因定漢家禮儀上言請御參論其事會並卒衡常歎息欲終成之

劉歆書曰綴學之士因陋就寡信口說而背傳記是末師而非往古至國家將有大事若立曆雍封禪巡狩之儀則莫知其原

漢舊儀

儒林傳齊安好古學光武以為議郎憲作漢舊儀四

篇以載西京雜事

隋志漢舊儀四卷衛敬仲撰唐志

同儀注類綱一四卷梁有衛敬仲漢中興儀一卷亡

中興書

目今存者三卷非宏全書崇文目同

元封舊儀見

封禪

武紀注引漢舊儀通天臺高三十丈成紀

注師古引漢舊儀云尚書四人為四曹孔光翟方

進傳注引之又祭祀志注

宋志漢世朝臣見三公

並拜丞即見八座皆持板揖事見漢儀及漢舊儀

列傳伏湛光武知湛名儒拜尚書使典定舊制侯

霸曰漢家舊制丞相拜日封為列侯張純奏漢舊

制三年一祿陳忠上疏大漢之興先王之制稍以

施行藉田之耕起於孝文孝廉之貢發於孝武郊祀之禮定於元成三雍之序備於顯宗荀爽對策今臣僭君服下食上珍宜略依古禮尊卑之差及董仲舒制度之別注仲舒曰王者正法度之宜別上下之序以防欲也

隋志職官類蔡質漢官典職儀式選用二卷唐志

職官類蔡質漢官典儀一卷書目漢官典儀一卷

衛尉蔡質撰記漢官位序職掌及上書謁見儀式本

二卷缺一卷李皇補之

漢禮威儀 漢制度 見禮類漢禮器制度

禮制

續禮儀志夫威儀所以定君臣序六親也若君亡君

之威臣亡臣之儀上替下陵是謂大亂可不謹哉故

記施行威儀以為志禮威儀每月太史上其月曆合

朔立春五供上陵冠夕牲耕高榘養老先蠶被楔立

夏請雨拜太子拜王公桃印黃郊立秋豕劉案戶祠

星立冬冬至臘大饗土牛遣衛士朝會大喪諸侯王

列侯始封貴人公主薨謝沈書太傅胡廣博綜舊

儀立漢制度蔡邕依以為志譙周後改定以為禮儀

志宋志司馬彪集後漢眾注以為禮儀志校其行

事與前漢頗不同

嘉靖丙辰年 監生陸涇刊

漢郊祠禮儀 郊祀封禪禮儀 郊廟昏

冠禮儀 七郊三雍大射禮儀

後傳樊豐永平元年拜長水校尉與公卿雜定郊祠

禮儀以識記正五經異說 梁松遷虎賁中郎將明

習故事與諸儒修明堂辟雍郊祀封禪禮儀常與論

議 張純在朝歷世明習故事建武初舊章多缺每

有疑議輒以訪純自郊廟婚冠喪紀禮儀多所正定

曹充禮儀 見上 董鈞永平初為博士時草創五

郊祭祀及宗廟禮樂威儀章服輒令鈞參議多見從

用

禮制

漢中興禮儀

見卷老

漢甘泉遺儀

文選在彥昇薦士表甘泉遺儀注胡廣漢官制度曰

天子出車駕次第謂之鹵簿長安時出祠天於甘泉

用之名曰甘泉鹵簿

漢洛邑制度

班固傳時京師修起宮室濬治城隍固乃上兩都賦

盛稱洛邑制度之美以折西賓淫侈之論 東都賦

遷都改邑有商宗中興之則焉即土之中有周成隆

平之制焉。永平之際，三葉巡守，蒐狩會同，命有司在  
憲度，不知京洛之有制也。

漢禮器制度

見三禮類

南齊志：漢初叔孫通制漢禮，而班固之志不載。東哀  
大尉胡廣撰舊儀，左中郎蔡邕造獨斷，應劭蔡質續  
綴識時事，而司馬彪之書不取。魏侍中王粲尚書衛  
覲集創朝儀，而魚豢、沈陳、壽孫、盛並未詳也。吳則  
太史令丁孚拾遺，漢事蜀則孟光許慈草建衆典。

漢禮

儀禮：鄉射禮，疏中人之迹，尺二寸者無正文。漢禮云  
五武成步，步六尺，或據此而言也。

魏官儀

衛覬傳：受詔典著作，又為魏官儀。隋志：梁有荀攸

魏官儀一卷。齊百官志：今有魏氏官儀，魚豢中

外官。王粲傳：拜侍中時，舊儀廢弛，興造制度。粲常

典之。衛覬與粲並典制度。王肅傳：所論駁朝廷典

制郊祀宗廟凡百餘篇。王基傳：散騎常侍王肅著

諸經傳解及論定朝儀，改易鄭玄舊說，而基據持玄

義，常與抗衡。

魏晉儀注

春秋正義魏晉儀注寫章表別起行頭者謂之跳出  
晉志魏氏光宅憲章斯美王肅高堂隆之徒博通  
前載二千條之禮十七篇之學各以舊文增損當世

晉新禮

志魏氏承漢末大亂舊章殄滅命侍中王粲尚書衛  
覬草創朝儀及晉建國文帝命荀顛因魏代前事撰  
為新禮唐志荀顛等晉雜議十卷在儀注類參攷今古更其節文羊祜  
任愷庾峻應貞並共判定成百六十五篇奏之太康  
初尚書僕射朱整奏付尚書郎摯虞討論之虞表所

禮制

宜增損曰臣典校故太尉顛所撰五禮臣以為革命  
垂統帝王之美事隆禮率教邦國之大務也此禮當  
頒於天下不宜繁多顛為百六十五篇篇為一卷合  
為十五餘萬言臣猶謂卷多文煩類皆重出按尚書  
堯典祀山川之禮惟於東嶽備稱牲幣之數陳所用  
之儀其餘則但曰如初周祀天地享先王其事同者  
皆曰亦如之文約而義舉今禮儀事同而名異者輒  
別為篇卷煩而不典皆宜省文而通事隨類合之事  
有不同乃別其異如此所減三分之一虞討論新禮  
訖以元康元年上之所陳惟明五帝二社六宗及吉

凶王公制度凡十五篇有詔可其議後虞與傅咸績其事竟未成功虞之決疑注是其遺事也逮于江左僕射刁協太常荀崧補緝舊文光祿大夫蔡謨又踵脩其事晉始則有荀顛鄭冲裁成國典江左則有荀崧刁協損益朝儀魏咸熙元年七月晉王奏司空荀顛定禮儀太保鄭冲摠裁

**列傳**荀顛咸熙中蜀平

命顛定禮儀顛上請羊祜任愷庾峻應貞孔顛共刪

改舊文撰定晉禮顛明三禮裴秀魏咸熙初荀顛

定禮儀賈充正流律而秀改官制議五等之爵創制

朝儀張華晉史及儀禮憲章並屬於華多所損益

摯虞元康中遷吳王友時荀顛撰新禮使虞討論得失而後施行應貞與荀顛撰定新禮唐志儀

注類摯虞決疑要注一卷文選東京賦注後漢祭祀志注魏王粲傳注引決疑

注要宋志魏初則王粲衛覬典定眾儀蜀朝則孟光許慈

創理制度晉始則荀覬鄭冲詳定晉禮江左則荀崧

刁協緝理垂紊其間名儒通學諸所論叙往往新出

摯虞新禮議魏氏無巡狩故事齊志光祿大夫

蔡謨又踵修輯

晉新定儀注

隋經籍志儀注類新定儀注四十卷晉安成太守傅  
 瑗撰又晉雜儀注十一卷晉尚書儀十卷甲辰儀五  
 卷江左撰封禪儀六卷職官類晉新定儀注十四卷  
 梁尚書職制儀注四十一卷 唐志晉尚書儀曹新  
 定儀注四十一卷晉儀注三十九卷傅瑗晉新定儀  
 注四十卷晉尚書儀曹吉禮儀注三卷晉尚書儀曹  
 事九卷晉雜儀注二十一卷 書正義晉初荀顛定  
 新禮以六宗之神諸說不同廢之摯虞駁之謂宜依  
 舊

晉脩禮學

戴邈傳元帝草創學校未立邈上疏曰帝王至務莫  
 重於禮學宜以三時之隙漸就脩建於是始脩禮學

晉中興朝儀

中興故事

荀崧傳元帝踐阼拜尚書僕射使崧與刁協共定中  
 興朝儀 成帝紀咸康六年初依中興故事朔望聽  
 政東堂 蔡謨傳於禮儀宗廟制度多所議定 刁  
 協傳朝臣無習舊儀者協久在中朝諳練舊事凡制  
 度皆稟於協

梁江舊悉朝儀故事撰江左遺典三十卷

齊職儀 又見官制

南齊王珪之有史學撰齊職儀永明九年子顯上啓曰臣父以宋元徽二年被敕纂集等級掌司黜陟遷補章服之差冠佩之飾凡五十卷詔付祕閣百官志諸臺府郎令史職吏以下具見長水校尉王珪之職儀世祖敕儀曹令史撰江左以來儀典令詔受徐孝嗣南史袁樞議引齊職儀隋志齊職儀五十卷長水校尉王珪之撰梁有王珪之齊儀四十九卷亡

梁儀注

隋禮儀志高堂生於所傳士禮亦謂之儀黃初之詳

禮制

定朝儀太始之削除乖謬宋書言之備矣梁武始命群儒裁成大典陳許亨奏曰梁儀注曰一獻為質三獻為文事天之事故不二獻經籍志梁丘仲孚皇典二十卷仲孚又撰尚儀鮑泉撰新儀三十卷鮑行卿撰皇室儀十三卷唐志王逸齊典四卷丘仲孚皇典五卷周興嗣撰職儀北史魏王慧龍撰帝王制度十八篇號曰國典常聚修儀注撰太和後朝儀已施行者凡五十餘卷隋志王逸之禮儀制度十三卷儀注唐志常聚後魏儀注五十卷



齊梁五禮 陳五禮

通典齊武帝永明二年詔尚書令王儉制定五禮至  
 梁武帝命群儒又裁成焉吉禮則明山賓凶禮則嚴  
 植之軍禮則陸璉賓禮則賀瑒嘉禮則司馬聚又命  
 沈約周捨徐勉何佟之張充庾於陵參會其事 **齊**  
 志永明二年太子步兵校尉伏曼容表定禮樂詔尚  
 書令王儉制定新禮立治禮樂學士及職局因集前  
 代撰治五禮 **梁徐勉傳**受詔撰五禮普通六年畢  
 表上之曰晉氏新禮荀顛制於前摯虞定於末齊永  
 明五年伏曼容表求制禮樂時置學士十人修五禮

諮稟王儉歷年未就又付何胤徐孝嗣遺文散失天  
 監元年沈約等議五禮各置學士一人人各自舉二  
 人抄撰嘉禮儀注以天監六年五月七日上 十一卷

六卷五百三十六條司馬聚傳云一百十二卷 賓禮儀注以六年五月二十  
 日上 五條賀瑒傳云一百四十五卷 軍禮儀注以

九年十月二十九日上 十八卷一百四十八條 吉禮儀注  
 以十一年十一月十日上 二十四卷一千五百二條 凶禮儀

注以十一年十一月十七日上 四十七卷一千五百三十四條  
 又別副祕閣及五經典書各一通繕寫校定普通

五年二月始畢詔有司遵行大凡一百二十帙一千

一百七十六卷八千十九條表以為網羅經誥玉振  
金聲義貫幽微理入神契前儒所不釋後學所不聞

隋志梁吉禮儀注十卷明山賓撰賓禮儀注九卷

賀瑒撰案山賓撰吉儀注二百六卷錄六卷嚴植

之撰凶儀注四百七十九卷錄四十五卷陸璣撰軍

儀注一百九十卷錄二卷司馬叅撰嘉儀注一百十

二卷錄三卷並亡存者惟十九卷自梁以來始以當

時所行傳周官五禮之名各立一家之學紀天監

初何佟之等述制旨并撰五禮一千餘卷帝稱制斷

疑唐志嚴植之南齊儀注二十八卷沈約梁儀注

十卷又梁祭地祇陰陽儀注二卷明山賓等梁吉禮

十八卷梁吉禮儀注四卷又十卷梁尚書儀曹儀注

十八卷賀瑒等梁賓禮一卷儀注十三卷陸璣梁軍

禮四卷司馬叅梁嘉禮三十五卷又嘉禮儀注四十

五卷南史陳天嘉元年張崖為儀曹郎廣沈文阿

儀注撰五禮文阿撰儀禮八十餘條沈不害修五禮

著五禮儀一百卷沈德威兼五禮學士唐志陳吉

禮儀注五十卷張彥陳賓禮儀注六卷

隋五禮

通典後魏孝文率由舊章擇其令典朝儀國範煥乎

復振北齊則陽休之元循伯熊安生後周則蘇綽盧

辨宇文弼並習於儀禮隋文帝命牛弘辛彥之等採

梁及北齊儀注以為五禮一本云文帝開皇二年命禮部尚書牛弘修五禮勒

成百卷詔頒行之辛彥之傳與牛弘撰新禮撰禮要一部

隋志隋朝儀禮一百卷牛弘撰開皇初弘撰儀禮

注以為準亦徵采王儉禮紀仁壽二年閏十月巳

丑詔楊素蘇威牛弘薛道衡許善心虞世基王邵並

修定五禮唐志牛弘潘徽隋江都集禮一百二十

卷隋志一百二十六卷序

玉海卷第六十八

